




卷十九


起梁太祖開平元年
至周恭帝元年

通鑑肇要









通鑑肇要卷十九 正編

張景星二銘

雲間

同錄

姚培謙平山

同學夏秉衡谷香參閱

後梁紀

姓朱氏都洛陽凡二君得年十有七

太祖皇帝

諱溫賜名全忠更名晃在位七年

丁卯四年

梁開平元年

春三月帝遣使奉冊寶如

通鑑肇要卷十九 後梁太祖

一

梁

全忠歸大梁帝下詔禪位於梁遣宰相
張文蔚楊涉等奉玉冊傳國寶帥百官
備法駕詣大梁涉子直史館凝式言於
涉曰大人爲唐宰相而國家至此不可
謂之無過況手持天子璽綬與人雖保
富貴奈千載何蓋辭之涉大駭曰汝滅
吾族神色爲之
不定者數日

夏四月梁王朱全忠稱皇帝

改元開平國號大梁帝與宗戚飲酒酣
其兄全昱跪帝曰朱三汝本碭山一民

也從黃巢爲盜天子用汝爲四鎮節度使富貴極矣奈何一旦滅唐家三百年社稷自稱帝王行當族滅梁主不憚而罷

奉唐帝爲濟陰王

明年弑之

○梁以汴州爲東

都開封府洛陽爲西都長安爲大安府佑

國軍○梁以馬殷爲楚王

據潭州盡有湖南地傳希聲希

範希廣希萼希崇五主至周太祖廣順元年爲南唐所滅

淮南西川移檄興復唐室

通鑑卷之六
時惟河東鳳翔淮南稱天祐西川稱天
復年號餘皆稟梁正朔蜀主建與楊渥
移檄諸道云欲與岐王晉王會兵興復
唐室卒無應者建乃謀稱帝遺晉王書
云請各帝一方俟朱溫既平乃訪唐宗
室立之退歸藩服晉王復書不許曰誓
於此生靡
敢失節

夏五月梁以錢鏐爲吳越王

據杭州傳元
瓘弘佐弘侖

弘儼四主至宋太宗興國
三年納土入朝而國除

秋九月蜀王王建稱帝

唐亡建自帝於成都年號武成國號大蜀是時唐衣冠之族多避亂在蜀蜀主禮而用之使修舉故事故其典章文物有唐之遺風

戊辰

晉岐淮南稱唐天祐五年梁開平二年○蜀高祖王建武成元年是歲西

川稱蜀

春正月晉王克用卒子存勗嗣夏

五月晉王攻梁夾寨破之潞州圍解

晉王與諸將謀曰朱溫所憚者獨先王耳聞我新立以爲童子未閑軍旅必有驕怠之心若簡精兵倍道趨之出其不意破之必矣遂帥兵直抵夾寨大敗梁

兵梁主聞之驚嘆曰生子當如李亞子克用為不亡矣至如吾兒豚犬耳

己巳晉岐淮南稱唐天祐六年春正月梁梁開平三年蜀武成二年

遷都洛陽夏四月梁以王審知為閩王據

州盡有閩嶺五州地

秋七月梁以劉守光為燕王帝改元應天

二年為晉王存勗所滅

庚午晉岐吳稱唐天祐七年梁開平四年蜀武成三年○是歲在南稱吳春

二月岐王承制加楊隆演嗣吳王

楊渥爲張顥徐

溫所弑立其弟隆演

辛未

晉岐吳稱唐天祐八年梁乾化元年蜀永平元年

春三月梁

清海節度使劉隱卒弟巖知留後冬十一

月幽州參軍馮道奔晉

燕王劉守光集將吏謀攻易定道以爲未可守光怒繫獄或救之亡奔晉張承業薦之晉王以爲掌書記

後梁太祖

四

壬申

晉岐吳稱唐天祐九年梁
乾化二年蜀永平二年

夏五月梁

主至洛陽

梁主至洛陽疾甚謂近臣曰我經營天
下三十年不意太原餘孽復昌熾如此
觀其志不小天復奪我年我死諸兒非
彼敵也吾無葬地矣因哽咽絕而復蘇

六月梁郢王友珪弑其主晃而自立

改元
鳳歷

末帝

諱友貞更名瑱太神
第三子在位十三年

癸酉

晉岐吳稱唐天祐十年梁主
瑱乾化三年蜀永平三年

春二月

梁均王友貞起兵討賊友珪伏誅友貞立

於大梁更名瑱秋八月梁賜高季昌爵渤海王

避唐諱更名季興據江陵傳從誨保融保勗繼冲至宋乾德四年降之

丙子晉岐吳稱唐天祐十二年梁貞明二年蜀通正元年冬十二月

契丹阿保機稱帝改元

國人謂之天皇置百官改元神冊晉主方經營河北欲結契丹爲援常以叔父

事阿

保機

丁丑

晉岐吳稱唐天祐十四年梁貞明三年蜀天漢元年漢乾亨元年

秋

八月劉巖稱越帝於廣州

隱弟改元乾亨尋改國號漢

戊寅

晉岐吳稱唐天祐十五年梁貞明四年蜀光天元年

秋七月吳

以徐知誥爲淮南行軍副使輔政

吳徐溫還金陵庶政皆決於知誥知誥事吳王盡恭求賢才納規諫引洪州進士朱齊到爲謀主先是吳有丁口錢民甚苦之齊即請蠲之餘稅悉輸穀帛紬絹匹直千錢者當稅三千或曰如此縣官歲失錢億萬計齊即曰安有民富而

國家貧者邪知詰從之由是江淮間曠
土益闢國以富彊知詰每夜引齊邱於
水亭屏語常至夜分或居高堂悉去屏
障獨置大爐相向坐不言以鐵筋畫灰
爲字隨以匙滅去之故
其所謀人莫得而知也

八月晉王大舉伐梁冬十二月晉王與梁
軍戰于胡柳陂周德威敗死晉王收兵復
戰大破梁軍

己卯

晉岐稱唐天祐十六年梁貞明五年
蜀乾德元年吳宣王楊隆演武義元

年夏四月吳王隆演建國改元。吳越擊

吳戰于狼山破之

吳越王鏐遣其子副大使傳瓘擊吳。命每船皆載灰豆及沙。吳遣將彭彥章陳汾拒之。戰於狼山。吳船乘風而進。傳瓘引舟避之。既過。自後隨之。吳回舟與戰。傳瓘使順風揚灰。吳人不能開目。及船舷相接。傳瓘使散沙於己船。而散豆於吳船。豆爲戰血所漬。吳人踐之皆僵仆。因縱火焚吳船。吳兵大敗。

秋七月吳越攻吳常州。吳人與戰破之。

吳越王鏐攻吳常州徐溫帥將拒之戰於無錫吳越兵敗徐知誥請躡敗卒而東襲取蘇州溫曰天下離亂久矣民困已甚錢公亦未易可輕若連兵不解方爲諸君之憂今戰勝以懼之戢兵以懷之使兩地之民各安其業君臣高枕豈不樂哉多殺何爲遂引還鏐自少在軍中夜未嘗寐倦極則就圓木小枕或枕大鈴寐熟輒敲而寤名曰警枕置粉盤於臥內有所記則書盤中

冬十月晉廣德勝北城

晉李存審於德勝南北夾河築兩城而守之至是晉王發徒數萬廣德勝北城

後梁末帝

七

日與梁人爭大小百餘戰互有勝負左
射軍使石敬瑭與梁人戰於河濡梁人
擊敬瑭斷其馬甲橫衝兵馬使劉知遠
以所乘馬授之自乘斷甲者徐行爲殿
梁人疑有伏不敢追俱得免敬瑭以是
親愛之敬瑭知遠其先皆沙陀人敬瑭
李嗣源
之婿也

庚辰晉岐稱唐天祐十夏五月吳王隆演

卒弟溥嗣諡曰宣溥行

辛巳晉岐稱唐天祐十八年梁龍德春正

元年吳睿皇楊溥順義元年

月晉得傳國寶

魏州僧得傳國寶獻之將佐皆奉觴稱賀宦官張承業亟詣魏州諫曰吾王世世忠於唐室所以老奴三十餘年爲王掇拾財賦召補兵馬誓滅逆賊復本朝宗社耳今河北甫定朱氏尚存而王遽卽大位殊非從來征伐之意王何不先滅朱氏復列聖之深讐然後求唐後而立之南取吳西取蜀汎掃宇內合爲一家當是之時雖使高祖太宗復生誰敢居王上者讓之愈久則得之愈堅矣老奴之志無他但以受先王之恩欲爲王立萬年之基耳王曰此非余所願奈羣

下意何承業知不可止慟哭曰諸侯血戰本為唐家今王自取之誤老奴矣即歸晉陽邑邑成疾不起○摺俱運反字與豫通亦拾也邑與悒通邑邑不安貌

後唐紀

姓朱邪氏沙陀人唐賜姓李都洛陽凡四君得年十有三

莊宗皇帝

諱存勗晉王克用長子在位三年

癸未

岐稱唐天祐二十年梁龍德三年唐莊宗李存勗同光元年

春二

月梁以錢鏐為吳越王

鏐始建國儀衛名稱多如天子之制惟不改元

夏四月晉王存勗稱皇帝

國號大唐
改元同光

閏月唐遣李嗣源襲梁鄆州取之以嗣源
爲節度使秋八月梁以段凝爲招討使遣
王彥章張漢傑攻鄆州冬十月唐主救鄆
州梁師敗績王彥章死之唐主入大梁梁
主瑱自殺唐遂滅梁

彥章爲人驍勇持一鐵鎗騎而馳突奮
疾如飛軍中號王鐵鎗唐兵攻兗州彥

章死戰唐將夏魯奇舉稍刺之彥章傷重馬蹶被擒唐主惻然賜藥以封其創彥章武人不知書常爲俚語謂人曰豹死留皮人死留名唐主欲全活之彥章謝曰臣與陛下血戰十餘年今兵敗力窮不死何待且臣受梁恩非死不能報豈有朝事梁而暮事唐主何面目見天下之人乎遂見殺梁主聞彥章就擒唐軍且至日夜涕泣不知所爲謂指揮使皇甫麟曰吾不能自裁卿可斷吾首麟泣弑梁主因自剄凝遂降唐賜姓名李紹欽出入公卿間揚揚自得無媿色張漢傑等伏誅

十一月唐以李紹欽爲泰寧節度使

紹欽因伶人景進納貨於宮掖故有是命唐主幼善音律或時自傳粉墨與優人共戲於庭以悅劉夫人優名謂之李天下嘗因爲優自呼曰李天下李天下優人敬新磨遽前批其頰唐主失色新磨徐曰理天下者只有一人尚誰呼邪唐主悅嘗敗中牟踐民稼中牟令當馬前諫曰陛下爲民父母奈何毀其所食使轉死溝壑乎唐主怒叱去將殺之新磨追擒至馬前責之曰汝爲縣令獨不知吾天子好獵邪奈何縱民耕種以妨吾天子之馳騁乎汝罪當死因請行刑

唐主笑而釋之諸伶出入宮掖侮弄搢紳羣臣憤嫉莫敢出氣亦有反相附託以希恩澤者四方藩鎮爭以賄賂結之其尤蠹政害人者景進爲之首進好采閭閻鄙細事以聞唐主亦欲知外間事遂委進以耳目由是進得施其讒慝干預政事自將相大臣皆憚之

唐荆南節度使高季興入朝

季昌避唐廟諱更名季興

季興欲自入朝梁震曰唐有吞天下之志嚴兵守險猶恐不自保況數千里入朝乎且公朱氏舊將安知彼不以仇敵相遇乎季興不從遂入朝唐主待之甚

厚從容問曰朕欲用兵於吳蜀二國何
先季興以蜀道險難取乃對曰吳地薄
民貧克之無益不如先伐蜀蜀土富饒
又主荒民怨伐之必克克蜀之後順流
而下取吳如反
掌耳唐主曰善

十二月唐遷都洛陽

從河南尹張全義之請也

高季興還鎮

未幾唐封季興爲南平王

唐主欲留季興侍中郭崇韜諫乃遣之
季興倍道而去至江陵握梁震手曰不
用君言幾不免虎口又謂將佐曰新朝
百戰方得河南乃對功臣舉手云吾於

十指上得天下矜伐如此則他人皆無功矣其誰不解體又荒於禽色何能久長吾無憂矣乃繕城積粟招納梁舊兵爲戰守之備

甲申

唐同光二年

春正月岐王茂貞遣使入貢

於唐

唐主以爲秦王尋卒

秋八月唐以孔謙爲租庸使

謙重歛急徵以充唐主之欲民不聊生癸未賜謙號豐財贍國功臣

乙酉

唐同光三年蜀咸康元年漢白龍元年

夏八月唐主作

清暑樓

唐主命宮苑使王允平建樓猶慮郭崇
韜諫遣中使語之曰今歲盛暑異常昔
在河上猶無此暑今居深宮而暑不可
度奈何對曰陛下昔在河上勅敵未滅
深念讐恥雖有盛暑不介聖懷今外患
已除海內賓服故雖珍臺閑館猶覺鬱
蒸也陛下倘不忘艱難之時則暑氣自
消矣唐主默然宦者曰崇韜之策無異
皇居宜其不知至尊之熱也唐主卒命
允平營樓所費巨萬崇韜諫曰今兩河
水旱軍食不充願且
息役以俟豐年不聽

秋九月唐遣魏王繼岌及郭崇韜將兵伐

蜀冬十一月唐師滅蜀蜀主王衍降唐旋殺衍

高季興聞蜀亡方食失匕箸曰是老夫之過也梁震曰不足憂也唐主得蜀益驕亡無日矣安知其不為吾福

十二月唐以孟知祥為西川節度使

丙戌唐同光四年四月明宗李嗣源天成元年吳越寶正元年春正月

唐魏王繼岌殺郭崇韜

崇韜素疾宦官嘗謂繼岌曰大王他日
得天下驟馬亦不可乘況任宦官宜盡
去之專用士人呂知柔竊聽知之由是
宦官切齒時成都雖下而蜀中盜賊羣
起崇韜恐大軍既去更爲後患命任圜
張筠分道招討以是淹留未還唐主遣
宦者向延嗣促之崇韜不出迎延嗣怒
李從襲謂延嗣曰郭公專權諸將皆郭
氏之黨王寄身於虎狼之口一朝有變
吾屬不知委骨何地矣因相向垂涕延
嗣歸且以語劉后后泣訴於唐主請早
救繼岌唐主復遣宦官馬彥珪馳詣成
都觀崇韜去就劉后自爲教與繼岌令
殺崇韜彥珪至以劉后教示繼岌繼岌

日彼無訛端安可爲此負心事公輩勿復言且主上無敕獨以皇后教殺招討使可乎從襲等泣相與巧陳利害繼岌不得已從之召崇韜計事從者李環搃碎其首并殺其子廷誨廷信繼岌命任圜代總軍政

唐復以故蜀樂工嚴旭爲蓬州刺史

魏王通謁李廷安獻蜀樂工二百餘人有嚴旭者王衍用爲蓬州刺史唐主問曰汝何以爲刺史對曰以歌唐主使歌而善之許復故任

二月唐鄴都亂遣李紹榮招諭之

唐魏博指揮使楊仁最將兵戍瓦橋踰
年代歸唐以鄴都空虛恐兵至爲變賊
留屯貝州時天下莫知郭崇韜之罪民
間訛言崇韜殺繼岌自王於蜀又訛言
皇后以繼岌之死歸咎於帝已弑帝矣
人情愈駭仁最部兵皇甫暉遂作亂劫
仁最殺之奉效節指揮使趙在禮爲帥
唐主命歸德節度使李紹榮詣鄴招撫

○紹榮本姓
元名行欽

唐李紹榮攻鄴都不克

紹榮至鄴遣人以敕招諭之趙在禮屏
於城上曰將士思家擅歸相公誠善爲

敷奏得免於死敢不自新史彥瓊執手
大罵曰羣死賊城破萬段皇甫暉謂衆
曰觀史武德之言上不赦我矣因聚衆
掠敕書手壞之守陴拒戰紹榮攻之不
利以狀聞退屯澹
州○武德彥瓊字

三月唐遣李嗣源將親軍討鄴都

紹榮再攻鄴都賊堅守無降意唐主乃
命成德節度使李嗣源討之嗣源至鄴
都營於城西南下令詰旦攻城是夜從
馬直軍士張破敗作亂帥衆大譟焚營
嗣源叱而問之對曰將士從主上十年
百戰以得天下今主上棄恩任威貝州

成卒思歸主上不赦云克城之後當盡
阮魏博之軍我輩初無叛心但畏死耳
今欲與城中合勢請主上帝河南令公
帝河北爲軍民之主嗣源泣諭之不從
因搗嗣源及李紹真等入城趙在禮帥
諸校迎拜嗣源泣謝曰將士輩負令公
敢不惟命是聽嗣源詭說在禮曰凡舉
大事須藉兵力今外兵流散無所歸我
爲公出收之在禮乃聽嗣源紹真出遂
奔相州遇馬坊使康福得馬數千匹始
能成軍紹榮奏嗣源叛與賊合嗣源遣
使上章自理一日數輩皆爲紹榮所遏
不得通嗣源由是疑懼石敬瑭曰夫事
成於果決而敗於猶豫安有上將與叛

卒入賊城而他日得保無恙乎大梁天下之要會也願假三百騎先往取之公引大軍亟進如此始可自全嗣源乃令中門使安重誨移檄會兵軍勢大盛紹榮至洛陽曰鄴都亂兵欲濟河襲鄆汴願陛下幸關東招撫唐主從之

唐主如關東李嗣源入大梁唐主乃還

唐主發洛陽次汜水嗣源濟河至滑州知汴州孔循遣使奉表西迎唐主亦遣使北輸密欵於嗣源曰先至者得之石敬瑭以勁兵突入封邱門遂據其城使人趣嗣源嗣源入大梁唐主至萬勝鎮聞嗣源已據大梁神色沮喪登高嘆曰

吾不濟矣
卽命旋師

夏四月唐伶人郭從謙弒其主存最李嗣

源入洛陽

從謙以姓郭拜崇韜爲叔父而唐主弟存又又以崇謙爲養子崇韜死存又見因從謙憤然流涕稱此二人之冤是時從馬直軍士王溫宿衛禁中夜謀亂事覺被誅唐主戲從謙曰汝黨存又崇韜負我又教王溫反復欲何爲乎從謙恐退而激其軍士爲亂縱火禁門唐主爲流矢所中遂崩伶人聚樂器而焚之嗣

通鑑卷之七 後唐莊宗

七

源入洛陽止於私第百官三發請嗣源
監國乃許之入居興聖宮受百官班見
下令稱教百官
稱之曰殿下

唐監國嗣源殺劉后及諸王。唐魏王繼
岌至長安自殺。唐主嗣源立。

有司議卽位禮李紹真孔循以爲唐運
已盡宜自建國號監國問左右何謂國
號對曰先帝賜姓於唐爲唐復讐繼昭
宗後故稱唐今梁朝之人不欲殿下稱
唐耳監國曰吾年十三事獻祖獻祖以
吾宗屬視吾猶子又事武皇先帝垂五

十年經綸攻戰未嘗不預武皇之基業則吾之基業也先帝之天下則吾之天下也安有同家而異國乎吏部尚書李琪曰若改國號則先帝遂爲路人梓宮安所託乎不惟殿下不忘三世舊君吾曹爲人臣者能自安乎前代以旁支入繼多矣宜用嗣子樞前卽位之禮衆從之丙午監國服斬衰於樞前卽位

明宗皇帝

諱嗣源更名亶本夷狄無姓氏晉王克用養子在位八年

夏五月唐以馮道趙鳳爲端明殿學士

唐主目不知書四方奏事皆令安重晦讀之重晦亦不能盡通乃奏請選文學

之臣與之共事以備應對乃
置端明殿學士以道鳳爲之

丁亥

唐天成二年
吳乾貞元年

春正月唐以馮道崔協

同平章事

任圜與安重晦鄭珣孔循議擇相圜屬
意李琪而珣循雅不欲琪爲相他日唐
主問誰可相者重晦卽以協對圜前爭
曰天下皆知協不識文字而虛有儀表
號爲沒字碑臣旣以不學忝相位奈何
更益以協爲天下笑端唐主曰宰相重
位卿等更自詳審吾在河東時見馮書
記多才博學與物無競此可相矣旣退

循不揖拂衣而去因稱疾不朝者數日
重晦私謂園曰今方乏人協且備員可
乎園曰明公捨淇而相協如棄蘇合之
丸而取蛭蛻之轉也循與重晦共事日
短琪而譽協竟以道協同平章事○蛭
蛻蟲名能以土包糞轉成丸如尸解而
去莊子注以蛭
蛻而笑蘇合

二月唐主以壻石敬瑭爲六軍諸衛副使

○唐郭從謙伏誅夷其族

討其弑君之罪也

冬十一月吳王楊溥稱帝

改元乾貞

戊子

唐天成年
漢大有元年

秋七月唐以王延鈞爲

閩王

延鈞度民二萬爲

僧由是閩中多僧

己丑

唐天成年
吳大和元年

秋九月有年

唐主與馮道從容語及年穀屢登四方
無事道曰臣昔在先皇幕府奉使中山
歷井陘之險臣憂馬蹶執轡甚謹幸而
無失逮至平路放轡自逸俄至顛隕凡
爲天下者亦猶是也唐主深以爲然又
問道今歲雖豐百姓贍足否道曰農家

歲凶則死於流殍歲豐則傷於穀賤豐凶皆病者惟農家爲然臣記進士聶夷中詩云二月賣新絲五月糶新穀醫得眼前瘡剜卻心頭肉語雖鄙俚曲盡田家之情狀農於四民之中最爲勤苦人主不可不知也唐主命左右錄其詩常以自誦水運軍將於臨河得一玉杯有文曰傳國寶萬歲杯唐主甚愛之以示道道曰此前世有形之寶爾王者固有無形之寶也唐主問之道曰仁義者帝王之寶也故曰大寶曰位何以守位曰仁唐主嘉納之

庚寅

唐長興元年

秋八月唐立子從榮爲秦王

從厚爲宋王九月唐以范延光爲樞密使

安重晦久專大權中外惡之重晦懼表解機務求一鎮以全餘生唐主不許重晦請之不已唐主怒曰聽卿去朕不患無人延光勸留重晦且曰重晦去誰能代之唐主曰卿豈不可延光謝不敢當唐主遣孟漢瓊詣中書議重晦事馮道曰諸君苟惜安公使得罷去是紓其禍也趙鳳曰公失言卽奏大臣不可輕動乃以延光爲樞密使而重晦居職如故

辛卯

唐長興二年

夏閏五月唐殺其太子太師

致仕安重晦冬十一月吳以其中書令徐
知誥鎮金陵

壬辰

唐長興三年

春三月吳越王錢鏐卒子元

瓘嗣冬十月唐大理少卿康澄上疏論事

唐主優詔答之

澄上疏曰國家有不足懼者五有深可
畏者六陰陽不調不足懼三辰失行不
足懼小人訛言不足懼山崩川涸不足
懼蟲賊傷稼不足懼賢人藏匿深可畏

四民遷業深可畏上下相徇深可畏廉
恥道消深可畏毀譽亂真深可畏直言
蔑聞深可畏不足懼者願陛下存而勿
論深可畏者願陛下修而靡忒○禾將
黃而蟲害之
故曰蠹賊

十一月唐以石敬瑭爲河東節度使

癸巳

唐長興四年閩主王延鈞龍啟元年

春正閩主王延鈞

稱帝

延鈞卽皇帝位國號大
閩改元龍啟更名璘

二月唐以孟知祥爲蜀王

尋稱帝傳子昶
宋乾德三年降

夏五月唐立子從珂爲潞王。秋八月唐以秦王從榮爲天下兵馬大元帥。

太僕少卿何澤上書請立從榮爲皇太子。時唐主已病。得澤書不悅。顧左右曰。羣臣欲立太子。吾當養老於河東耳。乃留大臣議之。從榮入白曰。臣聞姦人言。欲立臣爲太子。臣實不願也。唐主曰。此羣臣之欲爾。從榮出見范延光。趙延壽等曰。諸公議欲立吾爲太子。是欲奪吾兵柄而幽之東宮耳。延光等患之。乃加從榮天下兵馬大元帥。位在宰相上。

冬十一月唐主疾病秦王從榮作亂伏誅

從榮向忌宋王從厚賢於已而懼不得爲嗣入問疾見唐主已不知人旣去而聞宮中哭聲以謂唐主已殂乃謀以兵入宮壬辰將步騎千人陳於天津橋孟漢瓊入告從榮反兵已攻端門唐主手指天泣下良久謂侍衛指揮使康義誠曰卿自處置毋令震動京師潞王子重吉在側唐主曰吾與爾父起微賤至取天下數救我於危窘從榮得何氣力而作此惡事爾重吉卽帥控鶴兵守宮門漢瓊召馬軍指揮使朱洪實使將五百騎討從榮從榮走歸扈僚佐皆竄匿牙

兵潰去。皇城使安從益斬從榮并其子以獻。癸巳羣臣入見。唐主雨泣嗚咽曰。吾家事至此。慙見卿等。○雨泣者。淚下如雨也。

唐主亶殂

明宗性不猜忌。與物無競。登極之年。已踰六十。每夕於宮中焚香祝天曰。某胡人因亂爲衆所推。願天早生聖人。爲生民主。在位年穀屢豐。兵革罕用。較於五代粗爲小康。

十二月唐主從厚立

閔帝

諱從厚明宗第五子

甲午

唐閔帝從厚應順元年唐主從珂清泰元年蜀主孟知祥明德元年春

閏正月蜀王孟知祥稱帝二月唐以潞王

從珂爲河東節度使從珂舉兵鳳翔三月

唐遣兵討之官軍降潰

潞王爲鳳翔節度使宋王卽帝位朱弘昭馮贇用事罷潞王子重吉兵職徙潞王爲北京留守又以李從璋爲代初安重誨得罪罷河中以從璋爲代而重誨

見殺故潞王益自疑遂據城反唐主遣西都留守王思同會諸鎮兵討之思同戰敗走諸鎮兵皆潰

唐潞王從珂至長安唐主以康義誠爲招討使將兵拒之

從珂兵犯京師義誠爲招討使將禁軍以西唐主奔衛州義誠行至新安降於從珂宰相馮道李愚集百官將出迎於郊久而不集道請中書舍人盧導草牋勸進導曰潞王入朝郊迎可也勸進之事豈可輕議哉今天子蒙塵於外遽以

大位勸人若潞王守節不回以忠義見責其將何辭以對不如取太后進止愚曰舍人之言是也吾輩之罪擢髮不足數矣

夏四月唐潞王從珂入洛陽廢其主從厚

爲鄂王而自立

尋弒閔帝於衛州

廢帝

諱從珂本姓王氏鎮州平山人明宗養子在位二年

五月唐復以石敬瑭爲河東節度使

唐主與敬瑭皆以勇力善鬪事明宗然心競素不相悅至是不得已入朝時敬

唐久病羸瘠而鳳翔將佐多勸留之唐主見其骨立不以爲虞乃復遣之

秋七月唐以盧文紀姚顗同平章事

唐主欲更命相問所親信皆以尚書左丞姚顗太常卿盧文紀秘書監崔君儉對論其才行互有優劣唐主不能決乃寘其名於琉璃瓶夜焚香祝天以箸挾之首得文紀次得顗乃有是命

乙未

唐清泰二年吳天祚元年閩永和元年

夏六月契丹入

邊唐北面總管石敬瑭將兵屯忻州

敬瑭既還鎮陰爲自全之計唐主好咨訪外事羣臣更直於中興殿庭與語或至夜分時敬瑭二子爲內使賂太后左右令伺唐主之密謀事無巨細皆知之敬瑭對客常稱羸瘠不堪爲帥冀朝廷不之忌契丹入邊敬瑭將大軍屯忻州朝廷遣使賜軍士夏衣傳詔撫諭軍士呼萬歲者數四敬瑭懼幕僚段希堯請誅其唱者敬瑭命都押衙劉知遠斬三十六人以徇唐主聞之益疑敬瑭

冬十月閩李倣弑其主璘而立福王繼鵬

更名昶

繼鵬璘之長子

初閩主璘有幸臣曰歸守明出入卧內
璘晚得瘋疾陳后與守明及百工院使
李可殷通可殷嘗詣皇城使李儼於璘
后族陳匡勝無禮于福王繼鵬儼及繼
鵬皆恨之璘疾甚儼使人殺可殷陳后
訴之璘力疾視朝詰可殷死狀儼懼遂
引兵入宮璘匿床下亂兵刺殺之儼與
繼鵬殺陳后及匡勝守明并繼鵬弟繼
韜繼鵬遂卽位更名昶旣而自稱
權知福建節度事遣使奉表于唐

荆南梁震退居土洲

荆南節度使高從誨性明達親禮賢士
委任震以兄事之楚王馬希範好奢靡

游談者共誇其盛從誨謂僚佐曰如馬
王可謂大丈夫矣孫光憲對曰天子諸
侯禮有等差彼乳臭子驕侈僭怙取快
一時不爲遠慮危亡無日又足慕乎從
誨久而悟曰公言是也他日謂震曰吾
自念平生奉養固已過矣乃捐去玩好
以經史自娛省刑薄賦境內以安震曰
先王以嗣王屬我今嗣王能自立不墜
其業吾老矣不復事人矣遂固請退居
從誨不能留乃爲之築室於土洲震披
鶴氅自稱荆臺隱士自
是悉以政事屬光憲

十二月唐以馮道爲司空

丙申

唐清泰三年晉石敬瑭天福元年閩主昶通文元年

夏五月唐

以石敬瑭爲天平節度使敬瑭拒命唐主

發兵討之

唐主以千春節置酒晉國長公主上壽畢辭歸晉陽唐主醉曰何不且留遽歸欲與石郎反邪敬瑭聞之益懼進表自陳羸疾乞解兵柄移他鎮帝與執政議從其請學士薛文遇曰河東移亦反不移亦反在旦暮耳不如先事圖之唐主卽徙敬瑭鎮天平敬瑭謀於將佐曰主上面許我終身不除代今忽有是命得

非如今年于春節與公主所言乎吾不
興亂朝廷發之安能束手死於道路乎
劉知遠曰明公久將兵得士卒心今據
形勝之地士馬精強若稱兵傳檄帝業
可成奈何以一紙制書自投虎口乎掌
書記桑維翰曰主上初卽位明公入朝
主上豈不知蛟龍不可縱之深淵邪然
卒以河東授公此乃天意假公以利器
明宗遺愛在人公明宗之愛惜今主上
以反逆見待此非首謝可免但力爲自
全之計契丹主素與明宗約爲兄弟公
誠能推心屈節事之朝呼夕至何患不
成敬瑭意遂決表唐主養子不應承祀
請傳位許王唐主手裂其表抵地遣張

敬達發兵討之。許
王明宗子從益也。

秋七月石敬瑭遣使求救於契丹

敬瑭令桑維翰草表稱臣於契丹主。且
請以父禮事之。約事捷之日。割盧龍一
道及雁門關以北諸州與之。劉知遠諫
曰。稱臣可矣。以父事之太過。厚以金帛
賂之。自足致其兵。不必許以土田。恐異
日大爲中國之患。悔之無及。敬瑭不從。
表至契丹主大喜。許
侯仲秋傾國赴援。

九月契丹德光將兵救石敬瑭唐兵大敗

契丹圍之唐主自將次懷州

唐主至河陽心憚北行但日夕酣飲悲歌羣臣或勸其北行則曰卿輩勿言石郎使我心膽墮地

冬十一月契丹立石敬瑭爲晉皇帝敬瑭割幽薊等十六州以賂之

契丹主謂敬瑭曰吾觀汝器貌識量真中原之主也吾欲立汝爲天子乃作冊書命敬瑭爲大晉皇帝自解衣冠授之丁酉卽皇帝位改長興七年爲天福元

年敕命法制皆遵明宗之舊以趙瑩桑維翰同平章事。○清泰三年而以爲唐明宗長興七年以潞王爲篡也

閏月唐趙德鈞降契丹契丹不受

初唐以德鈞爲行營都統德鈞陰蓄異志欲因亂取中原引兵北屯團柏谷口按兵不戰累表爲延壽求成德節度使唐主怒曰趙氏父子堅欲得鎮州何意也苟能卻胡雖欲代吾位吾亦甘心若玩寇邀君但恐犬兔俱斃耳德鈞聞之不悅密以金帛賂契丹主云若立已爲帝請卽以見兵南平洛陽與契丹爲兄

弟之國仍許石氏常鎮河東契丹主欲
許之敬瑄聞之大懼亟使桑維翰見契
丹主說之曰趙北平父子不忠不信非
以死殉國之人而信其誕妄之辭貪毫
末之利棄垂成之功乎且使晉得天下
將竭中國之財以奉大國豈此小利之
比乎契丹主曰爾見捕鼠者乎不備之
猶或齧傷其手況大敵乎對曰今大國
已扼其喉安能齧人乎跪於帳前自旦
至暮涕泣爭之契丹主乃從之指帳前
石謂德鈞使曰我已許
石郎此石爛可改矣

契丹以晉主南下破唐兵于團栢唐主還

河陽趙德鈞降契丹

晉主契丹主至潞州德鈞父子迎謁於高河契丹主鎖德鈞延壽送歸其國德鈞見述律太后悉以所齎寶貨並籍其田宅獻之太后指天曰汝從吾兒求爲天子何妄語邪又自指其心曰此不可欺也又曰吾兒將行吾戒之云趙大王若引兵北向渝關急須引歸太原不可救也汝欲爲天子何不先擊退吾兒徐圖亦未晚汝爲人臣旣負其主不能擊敵又欲乘亂邀利所爲如此何面目復求生乎又問玩器在此田宅何在德鈞曰在幽州太后曰幽州今屬誰曰屬太

后太后曰然則又何獻焉德鈞
益慚自是鬱鬱不食踰年而卒

晉主發潞州契丹北還

晉主將發上黨契丹主舉酒屬之曰我
若南向河南之人必大驚駭汝宜自引
漢兵南下我令太相溫將五千騎衛送
汝至河梁餘且留此俟汝音聞有急則
下山救汝若洛陽既定吾卽北返矣因
泣別曰世世子孫勿相忘又曰劉知遠
趙瑩桑維翰皆創業功臣無大
故勿棄也○太相溫契丹將名

唐主從珂自焚殂晉主入洛陽

唐主與曹太后劉皇后雍王重美及宋
審虔等携傳國寶登玄武樓自焚皇后
積薪欲燒宮室重美諫曰新天子至必
不露居他日重勞民力死而遺怒將安
用之
乃止

後晉紀

姓石氏本西夷臬挾雞之子
從晉王李克用起於雲翔之

間都大梁凡二君得年十有
一○大梁今河南開封府

高祖皇帝

諱敬瑭後唐明
宗壻在位七年

冬十二月以馮道同平章事

丁酉

晉天福二年南唐昇元元年

夏四月晉遷都汴州

冬十月吳徐誥稱帝國號唐奉吳主爲讓

皇

是爲南唐

李昇徐州人少孤流寓濠泗間楊行密攻濠州得之奇其狀兒養以爲子而楊氏諸子不能容行密以乞徐溫乃冒姓徐氏名知誥吳太和四年封東海郡王五年封齊王天祚三年十月楊溥傳位於昇國號唐改元昇元尊溥曰讓皇帝

遷於

潤州

十二月契丹改號遼

改元會同國號大遼
公卿庶官皆倣中國

戊戌

晉天福三年
蜀廣政元年

秋七月晉上尊號於契

丹

晉主事契丹甚謹奉表稱臣謂契丹主
爲父皇帝每歲輸金帛三十萬之外吉
凶慶弔歲時贈遺相繼於道小不如意
輒來責讓多不遜語朝野咸以爲恥而
晉主事之曾無倦意後契丹主屢止晉
主上表稱臣但令爲書稱兒皇帝如家

通鑑纂要卷之九

人禮

己亥

晉天福四年閩主曦永隆元年

春正月唐主徐誥復

姓李氏更名昇

唐羣臣請上尊號唐主曰尊號虛美且非古遂不受又不以外戚輔政宦官不得預事皆他國所不及也倉吏歲終獻羨餘萬石唐主曰出納有數苟非培民刻軍安得羨餘邪

秋閏七月閩主曦弒其主昶而自立

閩主數侮拱宸控鶴軍使朱文進連重
遇二人怨之辛巳夜重遇入直帥二都
兵焚長春宮以攻閩主使人迎延義立
之延義令兄子繼業率兵襲昶執而殺
之延義自稱威武節度使閩國王
更名曦改元永隆奉表稱臣於晉

辛丑

晉天福
六年

夏四月唐遣使如晉

唐主遣通事舍人歐陽遇如晉求假道
以通契丹不許自黃巢犯長安以來天
下血戰數十年然後諸國各有分土兵
革稍息及唐主卽位江淮比年豐稔兵
食有餘羣臣爭言陛下中興今北方多
難宜出兵恢復舊疆唐主曰吾少長軍

通鑑纂要卷之六
旅見兵之爲害深矣不忍復言使彼民
安則吾民亦安矣又何求焉漢主遣使
如唐謀共取楚分
其地唐主不許

六月晉成德節度使安重榮執契丹使者

上表請伐契丹

重榮恥臣契丹執契丹使拽刺上表稱
吐谷渾等願與晉共擊契丹又爲書遺
朝貴及移藩鎮云已勒兵必與契丹決
戰晉主患之時鄴都留守劉知遠在大
梁泰寧節度使桑維翰客上疏曰陛下
免於晉陽之難而有天下皆契丹之功

秋七月晉以劉知遠爲北京留守

也。今重榮恃勇輕敵，吐谷渾假手報仇，皆非國家之利，不可聽也。臣願陛下訓農習戰，養兵息民，俟國無內憂，民有餘力，然後觀釁而動，則動必有成矣。晉主謂使者曰：朕比日以來，煩懣不決，今見卿奏如醉醒矣。○拽刺契丹使之名。

晉主憂安重榮跋扈，以知遠爲北京留守。知遠微時，爲晉陽李氏贅壻，嘗牧馬犯僧田，僧執而笞之。知遠至晉陽，首召其僧，命之坐，慰諭贈遺，衆心大悅。

冬十月閏主曦稱帝，十二月晉安重榮反。

晉遣杜重威討破之

明年正月鎮州牙將導官軍入城殺守
陴民二萬人執重榮斬之重榮首至晉
主命漆之
函送契丹

壬寅

晉天福七年漢
主玠光天元年

夏四月漢主龔頊子

玠嗣

龔初名巖更名陟又更龔以應龍見之
祥有胡僧言識書滅劉氏者龔也乃採
周易飛龍在天之義為龔字音儼以名
焉龔頊子弘度即位更名玠改元光天

六月晉主敬瑭殂兄子齊王重貴立

契丹以晉招納吐谷渾遣使來讓晉主憂悒成疾一旦馮道獨對晉主命幼子重睿出拜之又令宦者抱置道懷中其意蓋欲道輔立之晉主殂道與侍衛馬步都虞侯景延廣議以國家多難宜立長君乃奉重貴為嗣初晉主疾亟有旨召劉知遠入輔政齊王寢之知遠由是怨齊王

出帝

諱重貴高祖兄敬
儒子在位四年

癸卯

晉天福八年南唐保大元年殷主王延政天德元年南漢主晟乾和元年

通鑑纂要卷之六
三
春二月閏富沙王延政稱帝於建州國號
殷

延政審知子曦弟爲建州節度使封富
沙王曦立爲淫虐延政數貽書諫之曦
怒舉兵攻延政爲延政所敗乃
以建州建國稱殷改元天德

三月唐主璟立

璟昇長子也封齊王昇卒嗣立改元保
大以馮延巳常夢錫爲翰林學士馮延
魯爲中書舍人陳覺爲樞密使魏岑查
文徽爲副使夢錫直宣政殿專掌密命

而延巳等皆以邪佞用事吳人謂之五鬼夢錫屢言五人者不可用璟不納

漢晉王弘熙弒其主玠而自立更名晟

洪熙玠弟封晉王弒
兄自立改元乾和

秋九月晉執契丹回圖使喬榮旣而歸之

重貴之初卽位也大臣議奉表稱臣告哀於契丹侍衛都指揮使景延廣請致書稱孫而不稱臣契丹大怒遣使責讓延廣復以不遜語答之契丹盧龍節度使趙延壽欲代晉帝中國屢說契丹擊晉契丹主頗然之初河陽牙將喬榮從

延壽入契丹契丹以爲回圖使往來販
易於晉置邸大梁至是延廣說晉主囚
榮於獄凡契丹販易於晉境者皆殺之
奪其貨大臣皆言不可乃釋榮慰賜而
歸之榮辭延廣延廣大言曰歸語而主
先帝爲北朝所立故稱臣奉表今上乃
中國所立所以降志於北朝者正以不
敢忘先帝盟約故耳爲隣稱孫足矣無
稱臣之理翁怒則來戰孫有十萬橫磨
劍足以相待他日爲孫所敗取笑天下
毋悔也榮欲爲異時據驗乃曰公所言
頗多懼有遺忘願記之紙墨延廣命吏
書其語以授之榮具以白契丹契丹主
大怒入寇志始決晉使如契丹者皆繫

之桑維翰屢請遜辭以謝契丹每爲延
廣所沮河東節度使劉知遠知延廣必
致寇而不敢言但益募兵增置十餘軍
以備契丹○荀子圖回天下於掌上注
圖規畫也
回轉移也

冬十二月晉楊光遠誘契丹入邊

光遠密告契丹以晉主負德違盟境內
大饑公私困竭乘此攻之一舉可取趙
延壽亦勸之契丹主乃集兵五萬使延
壽將之經略中國曰若得之當立汝爲
帝延壽信之由是爲契
丹盡力畫取中國之策

楚作九龍殿

楚王希範奢欲無厭務窮侈靡作九龍殿用度不足重爲賦歛民不勝租賦而逃王曰但令田在何憂無穀又聽人入財拜官以財多少爲官高卑之差富商大賈布在列位民有罪則輸財用孔目官周陟議令常稅之外大縣貢米二千斛中千斛小七百斛無米者輸布帛天策學士拓跋恒上書曰諺云足寒傷心民怨傷國願罷輸米之令詠陟以謝郡縣王大怒終身不復見恒

甲辰

晉開運元年

春三月契丹攻晉澶州不克

引還

契丹主望見晉軍之盛謂左右曰楊光遠言晉兵半已餒死今何其多也以精騎左右略陳晉軍不動萬弩齊發飛矢蔽地契丹稍卻兩軍死者不可勝數昏後契丹引去

閩指揮使朱文進弑其主曦而自立

文進與連重遇既弑昶常懼國人之討相與結昏以自固曦果於誅殺嘗酒酣誦白居易詩云惟有人心相對間咫尺之情不能料因舉酒屬二人二人大懼

會曦出遊醉歸重遇等遣壯士立於馬上而殺之集郡臣告曰天厭王氏宜更擇有德者立之衆莫敢言乃據文進升殿率百官北面而臣之文進自稱閩王收王氏子弟在福州者無老少皆殺之

夏六月晉太尉侍中馮道罷以桑維翰爲中書令兼樞密使

道爲首相依違兩可無所操決或謂晉主曰馮道承平之良相今艱難之際譬如使禪僧飛鷹耳乃以爲匡國節度使或謂晉主曰陛下欲禦北狄安天下非

衆維翰不可遂以維翰爲中書令兼樞
密使事無大小悉以委之朝廷差治

秋八月晉以劉知遠爲行營都統杜威爲
招討使督十三節度以備契丹

契丹人寇晉主命知遠會兵山東後期
不至晉主疑之曰太原必有異圖至是
雖爲都統而實無臨制之權知遠亦自
知見疎但慎事自守而已郭威見知遠
有憂色謂知遠曰河東山川險固風俗
尚武士多戰馬靜則勤稼穡動則習軍
旅此霸王之資也何
憂乎○太原謂知遠

冬閏十二月閩人討朱文進誅之

福州南鄭承旨林仁翰謂其徒曰吾曹世事王氏今受制賊臣富沙王至何面目見之誠其徒趣連重遇策刺殺之斬其首以示衆曰富沙王且至汝輩族矣何不亟取文進以贖罪衆踊躍從之遂斬文進函二首送建州

契丹復入晉

乙巳

晉開運二年

春正月契丹至相州引還晉

主自將追之

晉主至澶州馬全節等諸軍以次北上
劉知遠聞之曰中國疲弊自守恐不足
乃橫挑疆胡勝之猶有後患況不勝乎
契丹還軍南下晉兵擊破之契丹敗走
晉主還
大梁

殷改國號曰閩

閩之故臣共迎殷主延政請歸福州改
國號曰閩延政以方有唐兵未暇徙都
以從子繼
昌鎮福州

夏六月晉遣使如契丹

通鑑纂要卷九

後晉出帝

七

契丹連歲入寇桑維翰屢勸晉主請和以紓國患晉主遣使奉表稱臣詣契丹謝過契丹主曰使景延廣桑維翰自來仍割鎮定兩道隸我則可和朝廷以契丹語忿謂其無和意乃止

秋八月唐兵拔建州閩主延政出降

丙午

晉開運三年

冬十月晉遣杜威將兵伐契

丹

秋契丹高牟翰詐以瀛州降晉主以重威爲北面行營招討使兵至瀛州牟翰

已棄城去重
威退屯武強

十一月契丹大舉入晉

契丹破藥城杜重威等大軍隔絕開封
府尹桑維翰求見晉主晉主方調鷹於
苑中不暇見維翰
嘆曰晉不血食矣

十二月晉將王清戰死杜重威等以兵降
契丹遣兵入大梁執晉主重貴以歸殺桑
維翰囚景延廣

契丹捕延廣延廣見契丹主於封邱責之曰南北失歡皆因爾也十萬橫磨劍安在召喬榮使相辨證延廣初不服榮以紙所記語示之乃服延廣伏地請死乃鎖之延廣扼吭而死

丁未

晉天福十二年六月改號漢

春正月契丹德光入

大梁廢晉主重貴爲負義侯徙之黃龍府

德光胡服視朝改晉國爲大遼胡兵四野刼掠人民號爲打草穀民被其毒遠近怨嗟漢高祖起大原所在州鎮多殺契丹守將歸漢德光大懼乃北歸○德

光契

丹名

後漢紀

姓劉氏沙陀部人都大梁凡二君得年五

高祖皇帝

諱邦遠更名曷在位二年

二月晉劉知遠稱帝於晉陽

河東將佐勸知遠稱尊號以號令四方從之知遠卽位自言未忍改晉國又惡開運之名乃更稱天福十二年

三月契丹德光發大梁夏四月死於殺胡

林

晉文武諸司諸軍吏卒皆數千人宮女宦官數百人盡載府庫之實以行契丹主謂宜徽使高勳曰吾在上國以射獵爲樂至此令人悵悵今得歸死無恨矣四月至臨城得疾丙子至殺胡林而卒國人剖其腹實鹽數斗載之北去晉人謂之帝妃

五月契丹元欲自立。契丹將蕭翰劫李從益稱帝於大梁遂北走從益避位

翰聞劉知遠擁兵而南欲北歸時唐許
王從益與王淑妃在洛陽翰矯契丹主
命立以爲帝淑妃懼召大臣謀曰吾母
子忘國之餘安敢與人爭天下乃用趙
遠翟光鄴策奉表稱臣
迎知遠仍出居私第

六月晉主知遠入洛陽遣使殺李從益

知遠命鄭州防禦使郭從義先入大梁
清宮密令殺從益及王淑妃妃臨死呼
曰吾家母子何罪何不留吾兒使每歲
寒食持一盂飯酒明宗墳上聞者悲之
晉主知遠入大梁諸鎮多降始改國號曰

漢

仍稱天福年曰
余未忍忘晉也

秋七月漢以杜重威爲歸德節度使重威
拒命漢發兵討之

重威自以附契丹負中國內常疑懼及
移鎮制下拒而不受詔削奪重威官爵
以高行周爲招討使募
容彥超副之以討重威

冬十一月杜重威降

漢以重威爲太傅重威出
入路人往往擲瓦礫詬之

戊申

漢乾祐元年

春正月漢以馮道爲太師

契丹滅晉道又事契丹朝邪律德光於京師德光問曰何以來朝劉曰無城無兵安敢不來德光謂之曰爾是何等老子對曰無才無德癡頑老子德光喜以道爲太傅德光北歸從至常山漢高祖立乃歸漢以太師奉朝請德光嘗問道曰天下百姓如何救得道爲俳語以對曰此時佛出救不得惟皇帝救得人皆以謂契丹不夷滅中國之人者賴道一言之善也

漢主昺殂杜重威伏誅二月周王承祐立

漢主召蘇逢吉楊邠史弘肇郭威入受
顧命曰承祐幼弱後事託在卿輩又曰
善防重威是口姐逢吉等秘不發喪下
詔稱重威父子因朕小疾謗議搖動皆
斬之磔尸於市
市人爭啖其肉

隱皇帝

諱承祐高祖第二子在位三年

三月漢護國節度使李守貞反夏四月漢
以楊邠同平章事郭威爲樞密使秋八月
漢河東節度使劉崇表募兵備契丹

初漢主鎮河東崇與郭威爭權有隙及威執政崇憂之自是選募勇士招納亡命繕甲兵實府庫罷上供財賦皆以備契丹爲名朝廷政令多不稟承

漢以郭威爲西面招慰安撫使

漢自河中永興鳳翔三鎮拒命繼遣諸將討之久無功漢主患之欲遣重臣臨督以威爲西面軍前招慰安撫使諸軍皆受節度威問策於馮道道曰守貞自謂舊將爲士卒所附願公勿愛官物以賜士卒則奪其所恃矣威從之由是衆心始附

於威

己酉

漢乾祐二年

秋七月漢郭威克河中李守

貞自殺

威攻河中克其外郭守貞退保子城諸將請急攻之威曰夫鳥窮則啄況一軍乎泐水取魚安用急爲壬戌守貞與妻及子等自焚威入城閱守貞文書得朝臣藩鎮交通書詞意悖逆欲奏之秘書郎王濤諫曰魍魎乘夜爭出見日自消願一切焚之以安反仄威從之

庚戌

漢乾祐三年

夏四月漢以郭威爲鄴都留

守樞密使如故

漢以契丹入寇議以郭威鎮鄴使督諸鎮以備契丹史弘肇欲威仍領樞密使可以便宜從事漢主從之蘓逢吉曰以內制外順也今反以外制內其可乎明日朝貴會飲弘肇舉大觴屬威厲聲曰昨日廷議一何同異逢吉楊邠亦舉觴曰是國家之事何足介意弘肇又厲聲曰安朝廷定禍亂須長鎗大劍若毛錐子安足用哉三司使王章曰無毛錐子軍賦何從集乎毛錐子蓋言筆也弘肇默然他日會飲章第酒酣爲手勢令弘肇不能爲客省使閻晉卿坐次弘肇屢

教之逢吉戲曰坐有姓閻人何憂罰爵
弘肇妻閻氏酒家倡也以爲議已大怒
欲歐之邠泣曰蘇公宰相公若殺之致
天下何地乎弘肇馳馬去由是將相如
水火

冬十一月漢主承祐殺其樞密使楊邠侍
衛指揮使史弘肇三司使王章遣使殺郭
威不克威舉兵反遂弑其主承祐

漢主自卽位以來邠總機政威主征伐
弘肇典宿衛章掌財賦供饋軍旅未嘗

乏絕然征利剥下民甚苦之尤不喜文士嘗語人曰此輩與一把筭子未知顛倒何益於國邪漢主左右嬖倖浸用事譖邠等專恣終當爲亂遂謀殺弘肇邠章又遣使詣鄴殺威威乃留其養子榮鎮鄴都自將大軍至封邱漢主命慕容彥超等將兵拒戰敗還漢主爲亂兵所弑威請立嗣君乃迎寧武節度使劉贇於徐州請太后臨朝聽政

漢郭威至澶州自立而還王浚王殷遣兵拒劉贇以太后誥廢爲湘殷公令郭威監

國

威至澶州將發將士數千人忽大譟曰
天子須侍中自爲之或裂黃旗以被威
體共扶抱之呼萬歲震地因擁威南行
威乃上太后綫請奉漢宗廟事太后爲
母贊至宋州王峻王殷聞澶州軍變遣
郭崇威將七百騎往拒之太后詔廢贊
爲湘殷公以威監國百
官藩鎮相繼上表勸進

後周紀

姓郭氏邢州堯山人都
大梁凡三君得年十

太祖皇帝

諱威在
位三年

辛亥

周廣順元年北漢主劉崇乾祐四年

春正月郭威稱皇

帝國號周。周主威弑漢湘陰公贇於宋

州漢劉崇稱帝於晉陽

是為北漢

劉晏漢高祖母弟初名崇隱帝遇弑乃謀舉兵威立晏子贇非實意也晏獨喜曰吾兒為帝矣何患乃罷兵遣人至京師威少賤黥其頭上為飛雀世謂之郭雀兒見晏使者具道所以立贇之意因自指其頸以示使者曰自古豈有雕青天子幸公無以我為疑晏喜益信以為然太原少尹李驥曰郭公舉兵犯順其

勢不能爲漢臣必不爲劉氏立後因勸
晏以兵下太行控孟津以俟變晏大罵
曰驤腐儒欲離間我父子命斬之驤臨
刑嘆曰吾爲愚人畫計死誠宜矣然吾
妻病不可獨存願與之俱死晏並戮其
妻於市及威弑贊於宋州晏慟哭爲驤
立祠歲時祭之戊寅卽皇帝
位於太原仍用乾祐年號

周罷四方貢獻珍食詔百官上封事

周主謂王峻曰朕起於寒微備嘗艱苦
遭時喪亂一旦爲帝王豈敢厚自奉養
以病下民乎下詔悉罷之又詔曰朕生
長軍旅不親學問未知治天下之道文

武官有益國利民之術各具封事以聞

北漢主遣其子承鈞將兵伐周不克二月

周主以其養子榮爲鎮寧節度使

榮姓柴氏太祖后兄守禮之子太祖無子養之

周主毀漢宮寶器

周主悉出漢宮中寶玉器碎之於庭曰凡爲帝王安用此物聞漢隱帝日與嬖寵於禁中嬉戲珍玩不繼側茲事不遠宜以爲鑒

夏六月周以王峻范質李穀同平章事

時國家新造四方多故峻夙夜盡心知無不爲軍旅之謀多所裨益質明敏強記謹守法度穀沈毅有器略論議忼慨善譬喻以開主意

秋九月契丹燕王述輒弑其主兀欲而自立述律討殺述輒而代之

北漢遣兵伐周契丹主欲引兵會之諸部皆不欲南強之行至新州燕王述輒作亂弑契丹主而自立契丹主德光之子述律逃入南山諸部奉之以攻述輒

殺之立述律爲帝改元應歷北漢主復以叔父事之請兵以擊晉州契丹主年少好遊戲每夜酣飲達旦乃寐日中方起國人謂之睡王後更名明

冬十月契丹北漢會兵伐周攻晉州

周遣王峻救晉州契丹北漢兵燒營夜遁

壬子

周廣順二年

夏六月朔周主如曲阜謁孔

子祠拜其墓

周主謁孔子祠將拜左右曰孔子陪臣也不當以天子拜之周主曰孔子百世

帝王之師政不敬乎遂拜又拜孔子墓
命蔡樵採訪孔子顏淵之後以為曲阜
令及

主簿

癸丑

周廣順
三年

春三月周以郭榮為開封尹

封晉王

榮周主后柴守禮子幼從姑長周主家
以謹厚見愛遂為子為樞密使王峻所
忌峻誅拜榮開
封尹封晉王

夏六月周九經板成

初唐明宗之世令國子監田敏校正九經刻板印賣至是板成獻之由是九經傳布甚廣

世宗皇帝

諱榮本姓柴氏太祖養子在位六年

甲寅

周顯德元年

春正月周主威殂晉王榮立

周主疾篤屢戒晉王曰昔吾西征見唐十八陵無不發掘者此無他惟多藏金玉故也我死當衣以紙衣歛以瓦棺汝或吾違吾不福汝

夏四月周太師中書令馮道卒

諡文懿追封瀛王

道少以孝謹知名唐莊宗世始責顯自
是累朝不離將相公師之位爲人清儉
寬宏人莫測其喜愠滑稽多智浮沉取
容是時天下大亂生民之命急於倒懸
道方自號長樂老著書數百言陳已更
事四姓及契丹所得階勳官爵以爲榮
自謂孝於家忠於國有子有孫時開一
卷時飲一杯老而自樂何樂如之蓋其
自述
如此

冬十一月北漢主旻殂子鈞立

旻殂告哀於契丹契丹冊命承鈞爲帝
更名鈞鈞性孝謹勤於爲政愛民禮士

境內粗安事契丹表稱男

契丹賜詔謂之兒皇帝

乙卯

周顯德二年

春二月周詔羣臣極言得失

詔曰朕於卿大夫才不能盡知面不能盡識若不采其言而觀其行審其意而察其忠則何以見器略之淺深知任用之當否若言之不入罪實在予苟求之不言咎將誰執

夏四月周以王朴爲諫議大夫知開封府事

周主謂宰相曰朕每思致治之方未得其要寢食不忘又吳蜀幽并皆阻聲教未能混一宜命近臣著爲君難爲臣不易論及開邊策各一篇朕將覽焉比部郎中王朴獻策以爲中國之失吳蜀幽并皆由失道今欲取之莫若進賢退不肖以收其才恩德誠信以結其心賞功罰罪以盡其力去奢節用以豐其財時使薄斂以阜其民俟羣才旣集政事旣治財用旣充士民旣附然後舉而用之功無不成矣時羣臣多守常偷安惟朴神峻氣勁有謀能斷周主重之

秋九月周始鑄錢

時中國乏錢乃詔悉毀天下銅佛像以鑄錢嘗曰吾聞佛說以身世爲妄而以利人爲急使其真身尚在苟利於世猶欲割截況此銅像宜有所惜哉若朕身可以濟民亦非所惜也

丙辰

周顯德三年

春二月周主命趙匡胤將兵

襲唐滁州克之

初永興節度使劉詞遣表薦其幕僚劉人趙普至是范質以爲滁州判官匡胤與語悅之時獲盜百餘人皆應死普請先訊鞫然後決所活什七八匡胤益奇

之匡亂威名日盛每臨陳必以繁纓飾馬鏡伏鮮明或曰如此恐為敵所識匡亂曰吾固欲其識之耳○繁步干反與樊通讀如輦帶輦今馬大帶也纓當胃以削革為之

冬十月周以趙匡亂為定國節度使兼殿

前都指揮使

匡亂表趙普為節度推官

十一月周召華山隱士陳搏詣闕尋遣還

山

周主召博問以飛升黃白之術對曰陛下
下爲天子當以治天下爲務安用此爲
乃遣還山詔州縣
長吏常存問之

丁巳

周顯德四年北
漢天會元年

秋九月周以竇儼爲

中書舍人

嚴上疏請令有司討論禮儀考正鐘律
作通禮正樂又以爲爲政之本莫大擇
人擇人之重莫先宰相乞令宰相各舉
所知且令以本官權知政事期歲之間
察其職業若果能堪稱其官已高則除
平章事未高則稍更遷名權知如故若

有不稱則罷其政事責其舉者又班行之中有員無職者大半乞量其才器授以外任試之於事考其治狀能者進之否者黜之周主善之

冬十一月周主自將伐唐

戊午

周顯德五年唐中興元年南漢主張大寶元年

春三月周主

臨江遣水軍擊唐兵破之唐主遣使盡獻

江北地周主罷兵引還夏五月唐主更名

景去帝號奉周正朔

唐主避周諱更名景下令去帝號稱國主

秋八月南漢主晟殂子鋹立冬十月周遣使均定境內田租

周主留心農事嘗刻木爲農夫蠶婦置之殿庭夜讀見唐元稹均田圖慨然嘆曰此致治之本也王者之政自此始乃詔頒其圖法使吏民先習知之期以一歲大均天下之田

己未

周顯德六年

春二月周淮南饑

周主命以米貸之或曰民貧恐不能償周主曰民吾子也安有子倒懸而父不

爲之解哉安在
責其必償也

夏四月周主自將伐契丹五月取瀛莫易

置雄霸州遂趣幽州有疾乃還

瀛莫易三州名

六月周主立其子宗訓爲梁王。周以魏

仁浦同平章事

周主欲相仁浦議者以仁浦不由科第爲疑周主曰自古用文武才略者爲輔佐豈盡由科第邪乃以王溥范質皆參知樞密事仁浦同平章事仁浦爲人謙

謹周主性嚴急近職有忤旨仁浦多引
罪歸已以救之所全活什七八故雖起
刀筆吏致位宰相
時人不以爲忝

周以趙匡胤爲殿前都點檢尋領歸德
軍節度使

周主榮殂梁王宗訓立

周主在藩多務黝誨及卽位勤於爲治
發奸摘伏聰察如神閒暇則召儒者讀
前史商確大義性不好絲竹珍玩之物
常言朕必不因喜賞人因怒刑人然用
法太嚴羣臣職事小有不舉往往寘之
極刑尋亦悔之末年寢寬登遐之日遠

邇哀

慕焉


恭帝

諱宗訓世宗第四子時年七歲在位半年國亡


通鑑要卷十九

通鑑要卷十九

三







通鑑臨手要

DS

735

A2Y36

1761

v.11-

12